







P1

赤貧下鄉，磽确田拾畝，裁糊  
其口。隣而豪者，百計搆取之。  
世調單，不能支而訟于府侯。  
獨慰世調，捐田而訟息。時世  
調無立錫地也。郡比里社，世

訪內舉其親弟以應侯召試  
竟補諸生至再舉其從游弟  
子指弗稱也仍謝去世調喜  
而謝過感余意終身二事皆  
末世交道中未有世調過崇

夜半共宿舉此以謝侯教余  
曰自省望世調厚者此也世  
調即諸生間乎嶽嶽頭角廉  
脩砥名行居常讀書自重有  
穆然之思迨入中秘口誦手

言  
批不捨寒暑其立言引義務  
求有用不肯摹擬當世名人  
其立朝卓然自信行其所安  
決不肯尋聲逐影寄居人籬  
落下故當路頗弗喜之

熹廟時天變陳言八事末言  
慎宮闈大拂乳媪逆璫指旋  
廢家居未幾褫削衣冠者五  
年

天子新運訪落遺佚仍起于

言序四  
家晉少宰摠

纂修記注事瀕行衷次其生平所著述而付其弟子汪生維寬乃問序故侯侯圃笑旨矣昔能識公諸生文今安能

讀公為館閣大臣文抑侯知世調務求有用而行於文章者夫學求明道文期適用不會此意未許讀世調文夫世調名滿天下天下人自能讀

之若叟也旨止憶望世調厚  
 乃世調真不負余以幸附于  
 世調之伯牙是初集也刻于  
 崇禎己巳嗣後當有續刻叟  
 年八十題



叙

大臣可以無技而不可以無  
學技為世用而學以用世者  
也國朝於文學侍從臣特以  
備爰立宜乎學術遠過漢唐  
宋萬萬而其文字語言俱足

為百代雄然而前賢之作誠  
多一似有抑焉而不樂以所  
長示者豈盡其才之故哉文  
章之用所以剗異同剗嫌似  
寫難明之意而樹不可搖易  
之準繩此行文之所便而行  
去之所不便也方將起而相  
天下則必雍容養默以俟乎  
時之莫吾閱而已過而示其  
所然不然則天下舉得而意  
之或有非其所快焉者矣故  
以括囊之道用諸文章亦若

時使然焉夫士君子之於吾  
君也泊然其無所迎而未嘗  
無所期也其於天下也憫然  
其無所恃而未嘗無所立也  
端其質誠其言曉露諸華墨  
未用則懷以獨存其是而用

則操之以前此亦暴質就材  
之理宜然也而一以韜光挫  
銳之說持之可乎管大夫始  
勉其君以王無已而退入於  
霸商君三進而三遷其說彼  
惟口吻談說故可遷就以曲

私其所欲言使其著之於書  
又豈有前後相悖在頃刻間  
者乎則文章之不立恐亦非  
相學所誠宜也韓魏公為司  
諫不久上七十餘疏范文正  
公在天聖中為萬言書上宰  
相及執政悉行其所言兩公  
固相業之竅偉者也而不難  
以其言預見之天下則天下  
之讀侗翁先生稿者當亦欣  
然想見其用世之學矣數十  
年以來天下之事莫大於遼

則翁首䟽籌遼天下之難莫  
慘于璫則翁有言戢璫而他  
文之所曉露無不挾雷動風  
行之致以振起一世之頑懦  
其寬大雍容之氣又盎然詞  
外使人樂容而有餘地雖游  
戲所及片詞偶綴無不係乎  
世教之大端斷又乎若將進  
之吾君而曰所期必如是也  
見之天下而曰所立必如是  
也翁方出而相天下而其所以  
然不然不忍過慎而深韜之

夏序五  
翁之為天下者誠切而亦豈  
不知所以自慎耶三代而下  
必以諸葛武侯為第一人而  
其受知先主與其所自許惟  
曰謹慎而已其抱膝隆中也  
澹然一無所懷而規取荆蜀  
畫定三分卓焉自負而不少  
遜是其隱居謹慎之言也其  
相蜀也處初附之衆斷之以  
法限之以爵不少假借開誠  
布公而赫然以混一為期是  
其相國謹慎之業也則由翁

之言以想見翁之業即謂翁  
之謹慎正在是可也

晚學夏允彝謹述



寶日堂初集

校文姓氏

門人汪維寬

仲敷

汪維信

叔輿

汪維正

元直

汪維丕

仲謨

汪維奎

叔聚

汪以策

君可



汪以震

起仲

汪 芎

靈五

俱休寧人校刻

後學周秉緒

嗣服

華亭人

范廷芝

瑞明

休寧人

周 源

泉侯

華亭人校閱

婿 徐念祖

無念

男 張載徵

德輿

同校

寶日堂初集

總目

第一卷

詔諭

第二卷

奏疏

第三卷

奏疏

表

箋

附經筵講章

第四卷

議 狀 揭

第五卷

說 解 辨 對 考

第六卷

書

第七卷

書 啓

第八卷

論 策

第九卷

序

第十卷

序

第十一卷

序

第十二卷

序 募疏

第十三卷

卻金堂世本

第十四卷

記 贊 箴 銘 賦

雜文

第十五卷

雜著 紀 頌 碑 傳

第十六卷

志畧 述 誌銘 墓表 誄

第十七卷

祭文

第十八卷

菽言 上

第十九卷

菽言 下

第二十卷

誥勅 上

第二十一卷

誥勅 下

第二十二卷

先進舊聞上

第二十三卷

先進舊聞下

第二十四卷

倭變志

第二十五卷

遼夷畧

第二十六卷

讀書印上

第二十七卷

讀書印下

第二十八卷

訓古條示

鯁堂考故

第二十九卷

太學講章

燕喜講章

附儀注

第三十卷

使東日記

第三十一卷

詩上

第三十二卷

詩下

寶日堂初集總目

寶日堂初集卷之一目錄

擬詔諭

擬漢武帝罷田輪臺詔

閣試



詔諭天下軍民人等

已未十一月  
代內閣草

詔諭遼東將士軍民人等

告諭北關屬夷人等

告諭西虜朶顏三衛屬夷人等

詔諭天下軍民并遼東將士人等

庚申二月  
代內閣草

寶日堂初集卷之一目錄

寶日堂初集卷之一

擬詔諭

華亭張鶴世調父著

擬漢武帝罷田輪臺詔

閣試



詔曰蓋聞聖王應時而度事輯衆而規利是以動而無悔民用滋殖朕奉宗廟三十餘年享有蕃盛不明不德喜功嗜戰越先帝之度間者誤聽貳師將軍廣利言絕幕以求單于師尋覆敗廣利降虜醜莫大焉夫絕域之事豈筭計威靈所克定哉廼搜粟都尉丞相言設三校尉合騎卒田輪臺久駐

師以圖西域朕聞輪臺以西爲捷枝渠犁故國地  
耕種禾黍土宜或未可知又師聚而待食食不給  
必取餉內郡餉遠必勞驅內地赤子暴露黃沙積  
日累月歿傷必多師老易疲又久殘夷主我客乘  
其後度必危人聚而不散兵危于前糧竭于後御  
之失制爲亂甚易古之禦夷治其內而來之豈久  
勞師以要必得哉夫海內雕耗流離痛苦不務計  
所爲富安休息戢亂暴獎良民求力田孝弟三老  
講教化之原而第信好事之口實疲衆以窮年月

朕卽不能望孝文皇帝之仁儉何至今大漢之澤  
自朕絕之朕心懼焉朕嘗有言天地不變不成施  
化陰陽不變物不甞茂朕鑒前失而圖後新斯亦  
變之候已自今諸屯田輪臺騎卒悉罷之第謹烽  
火修馬復令利安元元爲務無勤塞外不亟之事

詔諭天下軍民人等

已未十一月  
代內閣草

朕嗣祖宗丕基多歷年所期與海內共享仁壽  
之福承平滋久不戒于邊賦未蠲而國用久虛兵  
不詰而民力轉弱乃者奴夷小醜肆逆東方忘二

百年覆載之恩悖予一人長養之德闖入邊地勾  
我叛人更逆顏行反戕大帥士女慘于屠戮城堡  
任其蹂躪神人共仇國法無赦朕惟疆場之重剪  
鋤必及於封狐更憐赤子之危撻伐宜張于雄虺  
厲我兵甲簡畀信臣軍興于茲亦已彌歲卒伍不  
足丁男而多方召募糗糧靡克帑寔而設法徵加  
膏脂須出民間鋒鏑皆我百姓念朕不德旣不能  
輕徭蠲稅于平時憐爾何辜乃欲其勤事奉公于  
今日興言至此良疚于心惟急公者庶民之情而  
恤下者 朝廷之德告爾衆庶仰體 皇恩有謀

畧者抱策而速投有勇力者荷戈而先應簡用俱  
聽撫院調遣各有行糧兼之內顧安家有司自宜  
周恤至于各項錢糧起運以及郡縣存積有餘當  
此空虛各宜清解若爾百姓畝稅之額原係一時  
設處豈忍久累編氓况國家苟非軍興亦何樂科  
歛至此朕方散財發帑用濟邊急以爲爾先務令  
食足兵精守固戰克蕩掃一隅之憑陵永奠萬方  
之安堵朕聞君民憂樂一體共之今日興師舉事

寶日堂初集卷之二  
而藉爾共其憂日後事已兵休而豈不與爾同其  
樂其奴酋平定之後朕當寬卹大赦酬爾百姓決  
不忍爾百姓久困兵間共衍壽考之鴻圖長沐太  
平之膏澤豈不休哉別有恩典待事定施行故茲  
詔示

詔諭遼東將士軍民人等

惟爾全遼屬夷拱衛邊塵不驚垂二百餘年旣安  
極而變生乃備疎而夷訐邇者奴賊背恩狂噬啓  
釁東隅糾我叛人妄圖蠶食戕我大帥益肆狼貪  
至于焚劫邊城憑陵重鎮捆載鎗畜屠戮生靈萬  
民痛心天地不赦朕憂勤蚤夜別簡經臣訓飭戎  
行一新號令念爾遼師失事祗緣備禦無策付託  
非人將帥各自爲心而行陣失和兵民處非其所  
而主客不協士枵腹于浚剝由于賄賂之滋章將  
袖手于逗遛本自紀綱之不肅師四出而未有成  
笑城孤立而不設干楸至于謀不知情烽多失堠  
總因治軍無律以至邊氣愈弛惟爾將領官員從  
征軍士各懲積弊共勉新功朕戰守悉聽之軍中

寶日堂初集卷之一  
而賞罰必準於功過至於爾遼居民人等各奮忠義共保室家或應募出効戎行或團結自行練習無令妻子坐罹白刃務期醜類不返隻輪有級必酬有功必錄朕當節用減費所有金幣大倉之賦不惜蠲以濟遼其各府州縣加徵設處錢糧已着戶部上緊催解陸續調發仍命餉臣查核出納寔數以清乾沒務飽邊軍其經臣以下能擒奴醜雪國仇即析爵分圭朕所弗靳若來不能禦攻不能守去不能追將帥辜負功名遼民自傷性命朕三尺不貸爾其無悔欽哉

告諭北關屬夷人等

爾等祖父世守忠順衛我全遼 朝廷念爾勤勞每加護恤不容奴賊併吞爾土奴賊侵犯國家亦爲不得逞志於爾妄奏惱恨今奴賊節次攻陷邊鎮不獨國家疆場告急爾地亦屬孤危且其內犯猖狂今中國勞于扞禦便思長驅北擣併爾部落今特觀釁未動正爾整兵抹馬之時爾宜益加愆飭協同備禦徐俟相機併力撻伐即今 朝廷新

用經畧大臣軍令一新旌旗改色天下調募雄兵  
四集食足馬肥料此奴賊如魚游釜爾其盡心無  
二仰報國家努力自強無墮爾祖父之業再念奴  
賊素行強暴如南關凡刺灰扒等漸次殘滅以及  
于爾爾若不能自存則迤西諸夷係爾親戚故舊  
俱不可保爾當遣使一一聯屬協力剪除毋信彼  
賊甘言厚幣自貽後患朕于屬國興滅扶危如昔  
年之待朝鮮近歲之待爾亦諸夷所知也事大得  
福黨逆取禍將奚擇焉如爾及各營能全軍獨尅  
取奴首來獻者即以奴賊土地畀之朕不食言故  
諭

告諭西虜朵顏三衛屬夷人等

爾等世受國恩護我邊境中國頻年撫賞優厚爾  
安享犒賜畜牧不驚念 朝廷待爾有體有恩決  
不因爾橫行便多賞給亦不因爾帖服反失報酬  
奴賊背恩侵犯哄誘爾等與彼同逆殺傷士馬奴  
不與其危除革歲賞奴不損其利坐觀爾等擁衆  
擾邊奴因乘間益訂中國且奴性無親奴情甚謫

今日誘爾內犯今其得志長驅他日乘勢併吞不復更有爾等惟誤墮其術中遂甘越我化外今朝廷徵兵百萬已集遼東食足兵精徐張捷伐料奴慘毒狂悖天地不容似釜游魚偷生有幾爾其感念國恩協心勦逆有能斬獲奴首來獻者即以奴土地畀之永爲世藩凡在今日爾等各有所應得歲賞朕決不吝其或爾等乘機構釁託言討賞搶掠地方朕戒軍士督兵大創永革賞賚惟爾助奴賊之虐自取危亡失中國之歡坐捐歲額其于剪

逆內附長享世恩利害孰多爾其自擇無忽朕言故諭

詔諭天下軍民并遼東將士人等

庚申二川代內閣草

朕撫御華夷脩文飭武夙夜無怠于茲有年乃者東夷犯順蹂我邊疆人民流散將士傷殘朕痛切于心故簡用經畧大臣督兵防禦用申捷伐又調募四方壯勇出關協力戰守徵派各郡縣地畝銀兩以充兵餉夫兵非得已止期狡夷平靖則赤子安全武備朕不敢弛民力朕不敢竭乃兵興連歲

東方將吏暴露勞苦加以兵調遣而轉弱餉添加而愈窮調無已時加無定額生靈幾何堪此重困朕奉天慈愛未嘗輕侈一人與民便安未嘗妄與一役惟此不得已之故爾臣民當共諒之其天下軍民人等有謀勇應募者朕當超格簡用有捐貲助邊者朕當賜級褒嘉郡縣有司各宜檢括存積以佐軍興閭閻小民各宜輸納額稅以充國計事平之後兵休于野餉還于民大赦寬恤朕不爾吝其遼東將士人等各奮忠義共保邊疆戰必先固守之防守必時爲戰之地兵集而練則兵漸彊屯久而耕則屯益壯繕甲脩堡復已棄之城池據險乘高塞賊來之陘口使賊地之間諜不入則我兵之烽火時通料賊彈丸之食必窮困獸之力易竭來且殲之掌上去亦斃之釜中至於迤西諸夷受我戎索既能輸款便當撫綏使賊黨旣孤則我戰自克所賴將帥拊循行伍軍士稟奉軍機協力同心永清遺孽朕有功必錄有級必酬一應軍前本色折色及諸犒賚着該司星速催赴其經臣以下

寶日堂初集卷之一  
能擒奴醜雪國恥者卽析爵分圭朕弗靳焉夫憂  
樂本自相關君民原屬一體今日與爾同其勞瘁  
他日與爾共享太平惟當此國家多難之時正爾  
中外臣民各自盡心之日勉圖報効無負朕懷欽  
哉故諭

寶日堂初集卷之一

